

Uunga siunnersuut: Ilinniartitaanernut Inuussutissarsiutinullu siunnersuisarneq pillugu Inatsisartut inatsisaannik allannguineq pillugu Inatsisartut inatsisissaattut siunnersuut nr. xx, xx. xxx 2018-meersoq

(Ilinniagaqartunik tarnikkut isumaginninnikkullu siunnersuisarneq pillugu ilassut, ilitsersuisarnerup ilaatut, aamma Siunnersuisarnermut Siunnersuisoqatigiit katitsigaanerat pillugu allannguut, aamma kalaallisuuani iluarsiissutit § 11, imm. 2, § 12, stk. 1, § 12, imm. 2, oqaaseqatigiit aappaat, aamma § 25 inatsisip kalaallisut oqaaseqaataani.)

§ 1

Ilinniartitaanernut inuussutissarsiutinillu siunnersuisarneq pillugu Namminersorlutik Oqartussat inatsisaanni nr. 4, 29. november 2013-meersumi imaattunik allannguuteqartitsisoqassaaq:

1. § 3 imatut oqaasertalerneqassaaq:

” § 3. Naalakkersuisut pisussaaffigaat isumagissallugu:

- 1) nalilersuisarneq aamma ineriartortitsineq siunnersuisarnermik ingerlatsinermi,
- 2) siunnersuisarnerit ataqatigiissaarnissaat,
- 3) siunnersuisarnermut tunngatillugu paasisutissiisarneq,
- 4) siunnersuisarnermit atortussanik suliaqartarneq siammartitserisarnerlu,
- 5) ilitsersuisartunik ilinniartitsisarneq ilinniaqqittarnerlu,
- 6) supervision-ertitsisarneq najukkani ilitsersuisarfinnut atatillugu,
- 7) misilittakkanik aamma ilisimasanik avitseqatigiittarneq,
- 8) attaveqatigiiffiliortarnernut tapersersuisarneq, aamma
- 9) tarnikkut aamma isumaginninnikkut siunnersuisarneq, tamatumani aamma peqqissaasarneq ilinniagaqartunik., tak. § 18, imm. 2.”

2. § 7, imm. 2 imatut oqaasertalerneqassaaq:

” Imm. 2. Siunnersuisoqatigiit 6-inik inuttaqarput, tamatumunnga inassuteqartoqarnera naapertorlugu, tak. imm. 3, Naalakkersuisunit inuttut piginnaanitik naapertorlugit toqqarneqartartunik piffissamut ukiunik 4-nik sivilissusilimmut. Ilaasortaq toqqaaqqinneqarsinnaapput. Siunnersuisoqatigiit ataatsimut sinniisuuffigissavaat siunnersuisarneq, ilinniartitaanerni aamma inuussutissarsiutini paasisimasaqassuseq.”

3. § 7, imm. 3, imatut oqaasertalerneqassaaq:

” Imm. 3. Tulliuttut tamarmik siunnersuisoqatigiinnut ilaasortassamik ataatsimik inassuteqartassapput:

- 1) Sulisitsisut kattuffii.
- 2) Sulisut kattuffii.
- 3) Ilinniagaqartut kattuffii.
- 4) Kommunit ataatsimoorlutik.

- 5) Ilinniarfiit.
- 6) Nakorsaaneq peqqinnissamik nakkutilliisoq.”

4. § 9 imatut oqaasertalerneqassaaq:

” **§ 9.** Kommunalbestyrelsip akisussaaffigaa Inatsisartut inatsisaat naapertorlugu ilitsersuisoqartarnissaa kommunimi innuttaasunut, tak. Taamaattoq § 3, nr. 9 aamma § 10.

5. § 11, imm. 2, imatut oqaasertalerneqassaaq:

” *Imm. 2.* Kommunalbestyrelsip qularnaassavaa kommunit qitiusumik ilitsersuisarfiisa ilitsersuisarnerminnik sulianik ingerlatsinerminni inatsit naapertorlugu kommunini suliffissarsiuussisarfinnik suleqateqarnissaat, tak. suliffissarsiuussisarneq il.il. pillugit Inatsisartut inatsisaat.”

6. § 12, imm. 1, imatut oqaasertalerneqassaaq:

” Kommunalbestyrelsip isumagissavaa kommunimi qitiusumik ilitsersuisarnermik ingerlatsiviup ilitsersuisarnikkut neqeroorutaasa piginnaaneqarluartunit ilitsersuisartunit ingerlanneqartarnissaa, tak. imm. 2, aamma inissat naleqquttut iluanni ingerlatsisoqartarnissaa”.

7. § 12, imm. 2, oqaaseqatigiit aappaat, imatut oqaasertalerneqassaaq:

” Naalakkersuisut tamatumunnga kommunalbestyrelsimiit qinnuteqartoqarneratigut periarfissaqartissinnaavaat ilitsersuisarnerup utaqqiisaasumik inummit ilitsersuisarnermi immikkut piginnaaneqanngitsumit ingerlanneqarallartarsinnaanera, ilitsersuisartup ilinniagaqalernerani imaluunniit ilinniagaqarnerani ilinniarititaanernut ilitsersuisarnermullu suliassanut Naalakkersuisunit akuerisaasumik.”

8. § 18, imm. 1, imatut oqaasertalerneqassaaq:

” **§ 18.** Ilitsersuisarnermi suliassat Inatsisartut inatsisaat una naapertorlugu tassaapput:

- 1) Kalaallit Nunaanni ilinniagaqarnissamut periarfissat pillugit ilitsersuisarneq,
- 2) Kalaallit Nunaata avataani tamatumani lu aamma Danmark-imi ilinniagaqarnissamut periarfissat pillugit ilitsersuisarneq,
- 3) Suliffissat aamma suliffinni qaffakkiartorsinnaanermut periarfissat pillugit ilitsersuisarneq,
- 4) aningaasaqarnermut tunngasutigut, tamatumani lu aamma ilinniagaqarneriuteqarnermut tunngasutigut siunnersuisarneq, aamma qinnuteqarnermut atatillugu immersugassanik immersuisarnermut tunngatillugu,
- 5) ineqarnermut tunngasunik ilitsersuisarneq,
- 6) inummut tunngasutigut aamma tarnikkut pissutsinut tunngasutigut ikiorserneqarnissamik ilitsersuisarneq,
- 7) tarnikkut inuttullu atukkanut tunngasutigut siunnersuisarneq, tamatumani aamma peqqissaasarneq ilinniagaqartunik, tak. imm. 2, aamma
- 8) ilitsersuisarneq qinnuteqarnermi periaatsini ilinniagaqalernissamut iserniarnermi qinnuteqarnermilu.”

9. § 18-imi imm. 1-ip kingorna immikkoortutut nutaatut ikkunneqassaaq:

“*Imm. 2. Imm. 1, nr. 7-imi* ilinniagaqartutut paasineqassapput inuit ilinniakkamik ingerlatsisut aamma ilinniagaqartut, pikkorissaqqinnermik ingerlatsisut suliffissanut, ilitersuisarnernut pikkorissaqqinnernullu qitiusumik ingerlatsivinni.”

Imm. 2 taamaasilluni *imm. 3-ngussaaq.*

10. § 25 imatut oqaasertalerneqassaaq:

” **§ 25.** Naalakkersuisut kommunalbestyrelsimut naammassisassanut isumaqatigiissuteqassapput, inatsit naapertorlugu ilitersuisarnernik suliassanik suliaqartarneq pillugu.

Imm. 2. Naammassisassanut isumaqatigiissummi ilaassapput kommunimi ilitersuisarnikkut suliani anguniagassat, tamatumunngalu aallaavittut tunngaviusussat. Taannalu aamma imaqassaaq ilitersuisarnermi anguniagassanik tigussaasunik.

Imm. 3. Naalakkersuisut naammassisassatut anguniakkani naammassinissimannginneq iliuseqarfigisinnaavaat, kommuninut ataatsimoorussanik tapiissutini annikinnerulersitsinikkut.”

§ 2

Inatsisartut inatsisaat atortuulissaaq ulloq 1. januar 2019.

Namminersorlutik Oqartussat, ulloq xx. xx 2018

Kim Kielsen